

Lotta Ghjuventù

Intorna una bandera
Un pugnuciu s'hè pisatu
Mughjend'a la terr'entera
Babbu ghjè incarceratu
Ma sò d'un populu fieru
E per ellu lotteraghju.

Francia è to sole sumente
Sò schiavitur'è affani
Annacquate di surgente
Sanguinose tutti l'anni
Ch'imbruttanu l'innucente
È prutege l'assassini.

Intorna una bandera
Mille pugni sò pisati
Strident'a la terr'entera
Libertà per l'inghjuliati
Corsica Nazione era
Ùn ci simu sminticati.

Francia tutt'e to milizie
Un ghjorn'anù da cascà
È tutte le to inghjustizie
Approntati a pagà
Aspettendu'ssè nutizie
Sempre fronte si ferà.

Lotta ghjuventù
L'avvene si tù
Lotta ghjuventù
L'avvene si tù.

Intorna quessa bandera
Populu si piserà
Cantend'à la terr'entera

L'alba di a so Libertà
Fendu risplend'a lumera
Infine di l'unità.

Francia tandu morerà
In l'umanu a cuscenza
Una scelta si ferà
Ùn appia tantu speranza
Chì corsu ùn si scurderà
Di tant'anni di suffrenza

Lotta ghjuventù
L'avvene si tù
Lotta ghjuventù
L'avvene si tù.